

## غربة وطموح

يا غربة بقيتي طموح  
في زمن آسن عطن  
وإن بوحنا بوجعنا يقولوا  
خان الهوى والوطن  
هو مش شرع الهوى الوصال  
أومال ليه مجافينا يا وطن  
ويا ترى اللوم علينا  
ولا إنت اللي قسيت يا وطن  
وهمك هو اللي هممنا  
ولا همنا مش هامك وبتزيحنا يا وطن  
ونزيفك ده دمنا ولا إيدينا  
(ألا تبت من يد) هي اللي طعنك يا وطن  
يا وطن مش سامعني ولا مش شايفني  
ونغور أحسن يا وطن  
ويا ترى لو سافرنا ح نسيبك  
ولا ح ناخذك معانا يا وطن  
ما احنا من وجعك  
نسينا إحنا اللي عايشين  
ولا إنت اللي عايش فينا يا وطن